

1. Tlou xare xa diphôôfôlô ka moka ke phôôfôlô e kxolo. Empa le xe xo le byalo, batho ba kxalê ba be ba kxôna xo e bolaya sethunya se se sa hlwa se tsebya. Ba be ba e bolaya ka mesêbê e tloditšweng botholo. Botholo bo diiwa ka matlakala a mohlare o o bitšwang mothokonyepe. Ba kxatla matlakala a ôna, ba a apea a bela xo fihlêla a fetoxa motepa wa xo swana le wa boxôbê.
- Byale motepa oo o a thlatlolwa wa fola. Yaba ba tlotša mesêbê ya bôna dinthleng. Byale xore ba tsebê xore ke botholo bya boxale motho o be a e ya nokeng a swara sexwaxwa, a se hlaba serope xanyenyane ka nthla ya mosêbê wa botholo, byale sexwaxwa se tla hwa kapela-pela. Byale ba tla tseba xore ke botholo bya boxale. Botholo bo atiša xo apewa ke batsomi.
2. Byale batsomi ze ba rêra xo eo bolaya ditlou, ba be ba rapana ka maxôrô-xôrô, motsomi e mongwê le e mongwê a tšea bora le mesêbê le marumô a xaxe. Mesêbê e be e rwalwa ka dikxôtlôpô tša dipitse. (Kxôtlôpô ke mokotla wa leoto la pitse, ba a le buwa byale natha ya šadišwa moo mokxopeng, byale wa šuxwa xabotse, ke moka ke kxôtlôpô ya mesêbê.
- Byale xe batsomi ba tla tšwa ba ya naxeng ba tsoma tlou fêšêla. Batsomi ba sehlôpha sa bôna se bitšwa lesolo. Byale xe ba bôna mohlape wa ditlou, ba kxêtha e kxolo ya dinaka xare xa tšôna, ba re xo e mongwê wa bôna ba re sepela o e thômê, o re xo e thôma o thsabêlê mono theko ya rena.
- Byale xe yola a e ya xo thôma tlou, bale ba bangwê (batho) ba thôma xo tšwa makata ba khuta-khuta ka dihlare xore e bônê yêna fêšêla a e tee. Byale ola xe a fihla xo yôna tlou
3. o e thlaba ka mosêbê (wa botholo) byale xe e thôma (tlou) xo kwa e thiabya (tlou) e thôma xo xalefa e lebêlla kua le kua e thôma xo bôna motho. E tla mo kxoroxêla ka lebelô byale le yêna a thôma xo thsaba. Xe a thsaba o thsaba a lebanthšitše mola a

tsebaxo xore xo nee batsomi ba xabô. Byale (mothsabi) o tla re xe a feta-feta mola xo khutileng bale ba bangwê tlou yôna e e xare e mo rakedisa e tla re xe (tlou) e thôma xore ke feta moo xo khutileng e mongwê a e hlabe ka mosêbê a hlaba mokxosi a re "A e bone wêna! A e bone wêna!"

4. Xe tlou e e kwa xo hlabya le mokxosi e re ke re mahlô ya bôna motho eo a kxwang mokxosi yaba e thôma xo lesa yola wa pele xo mo raka ya thôma xo rakisa ola. Le yêna a thsabêla mo a tsebang xore xo khutile ba bangwê. Xe (tlou) e dutse e tsošitse e mo kitimisa motho a e dula xodimo ka mosêbê a kxwa mokxosi "A e bone wêna! A e bone wêna!" E sa re na xo reng, ke bôna ofe, mongwê a e dula xodimo ka mosêbê le yêna a kxwa "A e bone wêna! A e bone wêna! A e bone wêna!" E sale ke re motho a feta pele xa yôna (tlou) a kxwa mokxosi byalo-byalo, ba thlatlolana ka yôna byalo mesebe ya ba ya šala tlou e bônala e metše lehlaka le lešoyo la mesêbê. Ba tla e hlaba byalo-byalo ka mesêbê xo fihlêla kxôtlôpô tsa bôna di fêlêla mesêbê. Byale xe ba bôna xore ba e hlabile, batsomi ba ba tla thsaba ba khuta, ba dutse ba lebeletse.

5. Xo tla feta sebala byale tlou e tla taxwa ke botholo ka xobane mesêbê e ba e hlabang ka moka e tloeditšwe botholo ya wa ya hwa. Byale batsomi ba thôma xo letša mapapata le dinaka mokxosi wa lla Iii-i-i-o! Ii-i-i-o! Phobo-bo-bo! Tsee-e-tse-e-e! E-e-o! E-e-e-o! Motho o tla kitima a yo hlaba mokxosi xaê, xo tla tla basadi le banna le bakxalabyê xo tla nameng. E mongwê le e mongwê xe a fihla o ya e thsexela nama, a e na monye. Tlou a e buiwe byale ka kxomo e mongwê le e mongwê o no sexa moo a xo rataxo xo lekantšha morwalô wa xaxe. Dinaka tša tlou ke tša batsomi (ba xa lexoto mokete) di tla išwa mošatê, ke tša kxosi di išwa ke lexoto mošatê.

Byale kxoši e tla ba hlabiša dipholo. Binaka tša tlou ke selô se sexolo kudu xo maxoši a xešu kxalê. Dinaka tša tlou di be di dia mesoire ya baxatša dikxoši. Xapê maxoši a mangwê a be a loba dira ka dinaka tša tlou. Xo be xore xe kxoši e ka kwa
xore / ...

S 97.

K34/16

3X

xore ba xa mokete ba rata xo tla xo ba hula ka dira, xe kxoši eo e bōna xore a na batho ba a ka lwang ka bōna le sera seuwe, kxoši eo e be e nthsa dinaka tša ditlou a roma batho bošexo ba yo loba xo dira tša bōna ka dinaka tša ditlou le pheta ya thaxa le mothepa. Ke moka dira tšeuwe di tla bea marumō fase ya ba molaš. Pheta ya thaxa e tšwa Bokxalaka, di hwetšwa xo

6. Bakxalaka a re tsebe bōna Bakxalaka ba e tšea kae. Ke pheta e thsehla le e tala. E thsehla byo bo swanang le letsoko xe le se se la thsungwa. Engwê ke e tala, botala bya xo swana le leratadima.

Pheta ya thaxa le mamohla e see xōna dikxošing tša xešu bo-Molepo le ba bangwê. A e dumêlwe xo hwetšwa xo molata. Ke ya dikxoši fêšela, dikxoši di e apara molaleng.

E bile ke yōna ponthso ya boxoši.

Taba tše ka moka ke kwele papa eo xapê a lweleng dintwa tša kxalê.

END S. 97